



02075

管窺輯要卷之六十五

六安黃 鼎玉耳父纂定

男九命簡臣

九思視先

九成

桐城方兆及子詒全閱

地中

將營都邑先正四方立其圭表相其陰陽北至之

影尺有五寸天地之心上下正當百物阜安乃可

管窺輯要

卷之六十五

一

以立國四時氣正乃可以建邦偏東偏西則多風

陰而景朝夕偏南偏北則多寒暑而景短長所以

古明王設都而蒞萬姓必宅居中土而御四方

分野


壽星鄭克角之與亢自武牢之汴潁東抵壽域瀆

河濟逾淮源南及戈陽氏房心宿大火宋豫鄰齊

魯分襄邑小黃之亳壽當歸德盡濟曹宿之邳徐

尾箕析木燕幽是稱瀆渤碣高麗暨三韓之所盡

自北平保定終北紀之所窮斗牛星紀吳越隸揚



負淮水南及瓊崖之雷萬瀆彭蠡東逾兩浙之蘇
杭須女虛危玄枵齊青循岱嶽北濟滄瀆棗之博
德涉平陰東萊夷淄濰之青登營室東壁之躔媿
訾衛并之野自太行懷相東及大名之鄆濮起白
馬衛澶北負河內之漳鄴奎婁降婁分野魯徐循
岱嶽衆山之陽濱於淮泗合兗沂海密之郡利國
皆屬胃及昴畢大梁趙冀自磁邢祈趙定深洛恩
冀之真定當濁漳古魏郡鴈門雲中之北紀背觜
參伐實沈晉益自龍門已東而太行已西當雲中

之南而雒邑之北鶉首秦雍井之輿鬼東井當雒
之西北盡陝西西下之邦輿鬼當雒之西南盡巴
蜀漢中之地柳星張鶉火之次周三河爲地之心
自武牢之右而抵函谷之左負北河之南而當漢
水之陰翼軫鶉尾楚之與荆自襄房南盡鬱林之
夷貊瀆彭蠡西抵白帝之房陵壬丙庚甲燕楚秦
齊戊巳韓魏而中州河濟乙丁辛癸而分居四夷
子周丑翟魏寅爲趙楚卯鄭辰趙晉亦主邯鄲巳
衛午秦未爲中山梁宋申晉齊魏酉魯戌趙亥燕

分野屬

角亢氏分野今之開對河南汝寧是也

房心卽今南京之徐州

尾箕屬幽州卽今順天北京保定河澗永平遼東

朝鮮

斗牛女今之南京江浙福建廣東廣西梧州

虛危當青州今山東之濟甯京昌青州登萊州

室壁今之河南之衛輝彰德懷元北京之大名

奎婁當古之徐州今山東之兗州

管窺輯要

卷之六十五

三

胃昂畢今北京之真定順德廣平山西大同

觜參今之山西太原平陽遼州沁洛澤貴宣慰程

番

井鬼卽今之陝西四川雲貴之宣慰程番

柳星張今之河南洛陽南陽湖鄆陽襄之均州光

化谷城棗陽德之隨州應山

翼軫今之湖廣廣東廉州川之夔州貴之銅仁黎

平廣西

地震陷裂占

地德至靜欲其長安不欲動搖若主弱臣強后妃
專攻臣下擅權則土爲之不寧而變怪生焉陽伏
而不能出陰迫而不能入陰陽相激地必震動故
曰地動陰有餘又曰地震女主盛臣制命人不安
兵且起京房易傳曰臣事雖正專必震其震於水
則波於木則搖於屋則瓦落地動而驚牛馬者邑
有叛臣動於宗廟宮庭者人君失位國無忠臣又
曰地動辟不祥臣下謀逆兵革數動歲飢

春地動時不昌夏動五穀傷君憂秋地動兵起冬

管窺輯要

卷之六十五

四

地動土功興地數動誅伐不以理上下不相親京
房曰無得專祿茲謂不順厥震動丘陵湧水出

周幽王二年三川皆震伯陽甫曰周將亡矣陽伏
而不能出陰迫而不能入於是此地動震三川
實震是陽失其所而在陰原必塞原塞國必亡昔
伊維竭而夏亡河竭而商亡今周德如二季其原
塞塞必竭川竭山必崩蓋國必依山川山崩川竭
亡之徵也是歲三川竭岐山崩幽王卒犬戎起而

西周亡

魯文公九年癸酉地震是時齊桓晉文已死楚商
臣殺父自立天下皆畏事之其後宋魯晉莒陳齊
鄭皆殺其君

襄公十六年五月甲子地 是時天下之政皆在
大夫崔氏專齊樂盈亂晉良霄叛鄭闞殺吳子燕
出其君楚滅陳蔡

昭公十九年五月己卯地震是時季氏專魯其後
宋三臣皆以地叛蔡莒逐其君吳敗頓胡沈蔡陳
許之師殺二軍獲一大夫二十三年八月乙未地

管窺輯要

卷之六十五

五

震是時周景王崩子猛子朝爭立而王室亂其後
季氏逐魯昭公黑肱叛邾吳殺君僚宋晉大夫皆
成地叛

哀公三年四月甲午地震是時盜殺君蔡侯陳齊
乞殺君於越人吳而春秋終

漢獻帝初平二年董卓焚洛陽挾天子還長安京
師地動卓問蔡邕對曰地動者陰盛大臣賒制之
所致也又太史上言當有大臣戮死卓使人告太
尉張溫與袁紹交通殺之三年司徒王允與呂布

殺卓

地陷臣下專政人民分離乾象占曰地陷君失其國有兵喪女主專政下叛逆亂兵起京房易妖占曰地陷其國君亡

漢安帝永初元年六月丁巳河東揚地陷東西百四十步南北百二十步深三五尺是時漢政始衰晉武帝太康八年七月大雨殿前地陷方五丈深數丈中有破船帝尋崩天下亂

漢帝永嘉元年三月洛陽東北步廣里地陷廣出管窺輯要

卷之六十五

六

二鵝其後帝爲劉聰所虜

魏孝靜帝武定二年十一月西河地陷有火出地裂陰背陽也父子分離民人叛去之兆一曰臣不從君天下將裂一曰地裂大臣專恣不任事女子爲政刑罰妄施賢者退不肖者進厥妖地裂地裂有聲天下不寧四方兵起其主失國地裂一里天下流血三苗將滅地折及泉

漢和帝元興元年五月癸酉右扶風雍地裂晝後

西羌大寇涼州

安帝元初元年三月己卯日南地折長百八十二里其後三年正月蒼梧鬱林合浦盜起劫掠吏民順帝陽嘉二年六月丁丑雒陽宣德亭地折長八十五丈是時宋娥及中常侍各用權分爭其後中常侍張達與大將軍高爭權作飛語以陷之桓帝建和三年四月郡國六地裂水湧出時梁太后攝政兄冀專權枉殺李固杜喬天下疾之靈帝建寧四年五月河東地裂十二處各長十里百七十步廣者三十餘步深不見底

管窺輯要

卷之六十五

七

晉惠帝元康四年六月壽春大雷山崩地折人多陷死郡亦如之八月居庸地裂廣三十六丈長八十四

懷帝永嘉二年七月戊辰當陽地裂三所廣三丈長三百餘步其後晉室遂亡

地生異物占

地生肉兵起國亡地生血其地兵起有血流

地生毛金失其性兵起一曰地生白毛兵起國不

失土赤黑生毛血流千里國削土黃毛兵起青毛

兵起疫一曰地生白毛人勞苦
地生錢花兵在外不戰而回地生芻民將飢
三國公孫淵在京平地市地生肉長圍各數尺有
頭目口喙而無手足能動占曰有形不成有體不
行其國滅亡淵尋爲魏所破滅

晉惠帝永康五年三月呂縣有流血東西百餘步
晉元康末窮凶極亂流血滿野北齊武平中有血
點地自咸陽王斛律明月宅至於太廟天戒若曰
殺明月則宗廟隨之覆矣後主不悟而亡

管窺輯要

卷之六十五

八

梁武帝大同二年地生白毛長二尺

唐武后垂拱元年九月淮南地生毛或白或蒼長
者尺餘遍居人牀下揚州猶甚大如馬鬣焚之臭
如燎毛占曰兵起民不和

地長地燃地變色占

宮中地長婦人進賢人滅

水中嶼長其分益土

土踊下人將起地燃臣下權重一曰國主亡又曰
地燃必有賊兵侵害有軍在外大戰流血地如血

在外敵來奔

漢成帝河平四年臨淮縣土踊高二丈時王莽專政

晉惠帝光熙元年五月范陽地燃可以爨占曰此大疹土也是時四海喪亂人不聊生

苻堅時關中土燃無火而烟氣大起方數十里月餘乃滅後魏靜武定二年十一月西河地陷有火出占曰火陽精地陰主也地燃越陰之道陽之政臣下專恣終以自害時齊神武作宰侯景專制河

管窺輯要

卷之六十五

九

南神武殂景作亂

唐天寶十三載汝南葉縣南有土塊中有血出數日不止

唐大曆十三載二月太僕寺有泥像左臂上有黑汗滴下以紙承之乃血也

地山石部占

說云地卑而天尊在地成形地方也故山海經云地方而靜立亥部之東極至於西極二億三萬三千五百里七十一步南北準此故云地方也地無

私載老子云地得一以寧地無疆廣大也

淮南子云地缺東南北川流歸巽位

易云地道變盈而流謙地重濁也地者山河之脊
人君不修其德不可以恃之則國危

凡地震動陰盛陽衰後漢張衡鑄八龍銜九驗其
地動之來所以災也地秉陰載山川播五行

地土弊則草木不長地有五色之土徐州貢之斥
鹵之地不可安營致軍

地忽變色有大兵起地動壞城郭驚牛馬及野獸

管窺輯要

卷之六十五

十

天下大亂國亡主受災兵起

地震動四墟災國害政地震雞雉群分國改號天
下不寧

地動搖篤禽獸不出二年米貴物不收兵盜並興
地動三年萬姓不安

天鳴地動天子失政大臣有陰謀地動十日已上
有大兵起地秋動爲大兵地冬動國主災爲大水
東西地動十日已上大兵起天地無故動搖不出
一年天下不安更立侯王天柱動而地不震主兵

華發此聲有雞雉鳴應者為天柱動王為蚩尤旗
下有兵流血人相食易政改號臣下相殺戰國大
爭地動千里不出三年有大兵起地震攻戰大勝
不出三日賊來自應謀反者不利凡軍地忽震動
震往他軍利以攻擊入我軍利以固守後勝
凡地裂世主災不出年內地裂社稷天下大兵地
裂市邑不出三年其分有災
大道中忽折裂不出一年有大風雨地裂千里已
上或山阜破成蹊谷為大水

管窺輯要 卷之六十五

地裂有聲音天下不安大兵起

地夏裂一丈已上五穀貴一云殺五穀地秋裂人

流亡地冬裂大兵起

凡地裂折大水泛溢地裂見水兵起國主災軍地

忽折裂敗之兆急移之易將禍除地中响响有聲

兵相侵地中聲涸涸者已亡

地無故赤如火燃大兵起

軍地忽生火軍敗將亡及有火如火照下有災將

至死

地自忽長有道塞不通大人將起地長市中國有
分裂地卒長生樹木臣下弛地長社稷王者益土
地卒沒陷君臣無德主災地春陷大水魚行人道
地夏陷兵起秋陷大兵冬陷爲兵及水地陷多爲
水災地忽夏長年中熟秋長六畜疫冬長人民安
地自傾及無故生泉井雜物年中米貴大亂兵起
地忽生毛天下大亂一云歲大熟

地陷池城沉不出一年有兵興

地陷没人君賦重不出二年有逆臣

管窺輯要

卷之六十五

十一

街巷道路無故自踴高國有逆臣逆賊不出三年
鄰國來侵民散亡

軍地忽陷主將有憂黜移之則吉軍地生血主將
死有憂宜卜吉處居之

軍地忽生石礫當有禍生急移之吉軍地忽主土
錢士亡將死之兆急去之軍地忽生塵攻擊必勝
不出五日定得殺戮之功軍地土暴長主將封侯
得天之助戰必大勝軍地忽生黃色將軍封邑天
降吉利攻戰必克軍地忽生五穀主將得天道仁

勇所感也地生塵不出旬日有大戰地卒長高國
易攻地陷城池主災之兆兵起地春冬陷大亂兵
起有大水民飢地陷一望人無家屋不聊生計
地長生樹天下受福地裂一丈一里已上或山阜
破成溪谷有大水天下流亡

地裂長道中天下不通凡陰背陽則地裂地裂卒
長如道年豐熟地冬長人不安有兵動地無故自
下城并郭及出雜物天下大亂

軍在野地生蠅虫及荆棘軍破將死軍地陷成坑

管窺輯要

卷之六十五

將死在野地陷生火有兵起地或生泉有戰必敗
守城城陷一云國弱將危地或汗出赤者凶

山春崩有征伐傷五穀山夏崩有大兵火災秋崩
有大兵又曰物不收冬崩大飢凡山崩臣下背叛
弱勝強也

山無故哭聲天下大兵山忽徙忠臣去佞臣進政
在女主不出五年有亂山無故自移天下有兵社
稷亡山自亡人主失政山自晝至夜有異聲天下
兵喪山自崩主國分山崩世主喪德政暴不出二

年有奪之者

國中山分君臣相背邑中山崩其邑有戰或大水
山中見物類非人曾見者各有形名音聲其占爲
大水或飢兵革行邑亡

山石自動及生樹木并象物類及大小移動或濕
或血皆天下亂

山忽生大石邑喪主山石忽化爲人形及六畜飛
鳥皆爲國虛山久作雷聲不出一年有賊山分裂
君臣爭女主有謀

晉窺輯要

卷之六十五

十四

山忽生光臣下不吉山忽赤如血諸侯逆

邑無故壅土如山謂陰反爲陰勝人君陰被女人
所謀不出一年有易嗣之君

石折有水主謀不成石生作禽獸諸侯興兵石人
泣戎兵起石鼓自聲若金鼓之響兵起有災疹石
生乎野庶人興石忽濕有血皆主兵起石生如人
形庶雄持政石生如飛鳥形內戚女主近臣謀反
石生爲人形國君少嗣石生道中其分亡石生而
方軍謀逆不出一年兵起

石生毛髮如絲絮不出五年有兵謀事石生重累
不出五年相謀且成石生水中上見者近臣與女
主逆謀不出八年兵起石生都邑國中君有去故
就新之象不出三年有易政石隕移分野兵起盤
石忽生軍地宜可久居之吉

邑生或成州者吉邑廢而成枯陂佞人與賢人爭
權不出一年其分亡邑沒而成溝是謂反陽不出
二年宮女有爭爲后者邑滅而成土與屋高是謂
陰掩陽不出一年天下興兵女主喪

管窺輯要

卷之六十五

十五

邑中鬼夜哭不出一年天下爭喪亂上人離散塚
墓自作音聲天下大兵起塚墓自移天下大破塚
墓自陷民流亡塚墓樹自死民多疾塚墓中鬼哭
及夜行呼喚不出一年民棄其屋室而散
邑中冬不寒地不凍其分易政民飢絕貢

山變異占

山崩京房易傳曰小人剝廬厥妖山崩茲謂陰乘
陽弱勝強一曰山崩分裂君臣爭女主有謀又曰
其邑有戰主亡有水災伯陽甫曰山崩川竭其國

必亡山無故自崩國易政一曰國主失位民流散
山春崩其國有伐城夏山崩天下大水秋山崩有
大兵冬山崩大飢或曰山者公輔之象賢人退小
人進則山崩
晉成公五年夏梁山崩壅河三日不流晉君索羣
臣而哭之乃流劉向以爲山陽也水陰民也天戒
若曰君道崩壞百姓將失其所哭然流喪亡之象
也梁山在晉地自晉始而及天下也其後晉殺三
卿厲公以弑

管窺輯要

卷之六十五

漢高后二年正月武都山崩殺七百六十人地震
至八月乃止

文帝二年四月齊楚地山二十九所同日俱大發
水濱出後十六年齊王之庶子菑川膠東膠西濟
南王與吳楚俱反同日破滅

成帝河中三年二月丙戌蜀郡岷山崩壅江江水
逆流三日乃通劉向以爲周時岐山崩而幽王亡
岐山周所興也漢家本起蜀漢今所起之地山崩
川竭殆必亡矣其後三世無嗣王莽篡位

後漢和帝永元十二年夏四月戊辰南郡穉歸山
高四百丈崩墮殺百餘人明年冬蠻夷反遣使
募荊州吏民萬餘人擊之

山徙是謂德動直臣去佞人執政在女主不出五
年有走王一曰山徙者皇之不極祿去公室賞罰
出於私門刑威不從

唐永昌中華州赤水南岸大山晝日忽風昏有聲
隱隱如雷頂之漸移東數百步壅赤水壓張村民
三十餘家山高二百餘丈水深三十丈草木宛然
管窺輯要 卷之六十五 十七

是時政在女主天子聽人命而已
天寶十一年六號州閬鄉黃河中女媧墓因大雨
晦移失所在至乾元二年六月乙未瀕河人聞有
風雷曉見其墓湧出下有臣石上有雙柳各長丈
餘占曰冢墓自移天下破

大曆九年十一月戊戌同州夏陽有山徙於河上
聲如雷山色變赤如血諸侯不助父子絕山破爲
谷天下流亡

山出異物非人所常是者曰爲其邑有兵飢大也
邑亡

山見葆江於邑邑有兵葆江狀如人頭赤色吳成
將鄧喜殺猪祠神畢縣之人忽見一人頭徃食肉
喜引弓射中之咋咋聲繞屋三日後人告喜叛反
闔門受誅

山鳴占

山吼作雷聲不出六月賊起山晝夜有聲如人哭
天下兵喪一曰山鳴天下亂其國分裂

管窺輯要

卷之六十五

十六

後漢獻帝建安七年中長沙醴陵有大山常大鳴
如牛响聲積數年後豫章賊攻沒醴陵縣殺掠吏
民

隋文帝開皇十四年正月旦郭州連雲山有聲如
雷時五羗反叛侵邊

川澤變異占

川竭其國亡京房曰君臣相背厥異水絕

江河溢決京房曰天有度地有里川澤浸漑萬物

卒而溢者明在位者之不勝其任也

識曰水者絕陰之精也陰氣洋溢小人專擅侵乘
 君子故浦水爲災春秋考異郵曰陰盛臣逆人悲
 情發則水出河決京房易飛候曰大水至國賤臣
 將貴又曰誅伐絕理厥災大水辟道有德厥災水
 流山水暴出百姓怨天不雨而地忽出泉民飢
 宋建炎四年五月洞庭湖夜有赤光見東北亘天
 如火明照湖心上下一色俄轉東南此血光也後
 虜兵犯湘沔

管窺輯要

卷之六十五

九

地上陷裂



地震

宋志曰地土忽陷臣下專政萬民離散亦爲失地
漢書曰地陷者王室亂陷壞塔者大臣專政
宋志曰秋行冬令則地圻裂其應土庶分散大臣
專恣下叛上賢者退不肖者進裂而有聲大兵失
土不寧

宋志曰地忽震動是謂臣強陰伏而不能出陰迫
而不能入陰有餘也若外戚擅權女妃專政則土
爲之變易小人用下有謀及民擾則地震其分兵
亂又占其時春則歲不昌夏乃君憂五穀傷秋則

管窺輯要

卷之六十五

三

兵起冬有土功又曰地震於宗廟宮室或動而不
已者國有叛臣讒佞進大臣叛動則誅罰不以理
而上下不相親政在女子如牛馬禽獸奔走者天
子失位春秋災異曰爲國家者亂五行之序失五
常之德背陰陽以傷坤元則鎮星爲之動搖而地
震矣

京房曰地爲大臣之位當安載萬物懷藏物類今
越陰之位行陽之政而搖動者不爲君安載乎萬
物也劉向曰臣下強盛將動爲害



地生毛

地成泉

管窺輯要

卷之六十五

三

宋志曰地忽生毛爲金失性人將勞兵起之徵
又曰地無故成泉天下兵起且大水

天文錄曰火者陽之情地者陰之主所以載萬物
火然者越陰之道行陽之政傷而不克之象非惟
燃灼群生亦自焚也陽君也陰臣也臣下專恣終
自害也京房曰火出於地其國君咎


未志曰地燃則賢人出見大臣專政兵起中原君
弱臣強又曰地忽生光如火照國憂危亡又主小
人進賢人滅也如見火發於夜滅而無光妖怪並

管窺輯要

卷之六十五

三

地震洪水



地鳴山鳴



朱文公曰地震洪水出陰盛陽微之應京房曰臣
弄權專政則地震其震於水則波於木則摧於屋
則瓦落於山則水湧
朱文公曰地鳴有聲天子失國政任婦人山或晝
夜有聲如哭天下兵喪大亂漢書曰大山常鳴如
牛向者天下四方分裂之象

管窺輯要

卷之六十五

三

地聲主而山

山擊水湧



地生鏡

獸作人言



地湧佛像

管窺輯要

卷之六十五

三十四

唐書曰天氣不和寒暑隔人氣不和疵贅生地氣不和堆阜出今女主居陽位反易剛柔故地氣隔塞山變為災

宋志曰山或遷移是為皇之不極祿去公室賞罰出於私門天下兵起社稷亡

晉書曰山陽君也水陰百姓也天戒若曰君道毀壞百姓將失所山崩或移徙故水湧宋志曰山崩毀者謂之陰盛陽弱崩者離散之象賢人去而佞

人進

京房曰山無故自陷天下兵作王室大亂

宋志曰地忽生土錢則人主惡之盜賊起於宮內

宋志曰地忽有佛神見像湧出者天下易主人民

流亡五穀微收虫蝗爲害

宋志曰禽獸作人言中原起兵賊盜中興夷狄來

侵大凶

朱文公曰地上諸虫生發國用佞人

管窺輯要卷之六十五終

管窺輯要

卷之六十五

三

大安廣 鼎玉耳父纂定

侄九錫公位

九疇倫敘

九如眉介

桐城方光及子詒全閱

五行五事五色祥胥

經曰敬用五事一曰貌二曰言三曰視四曰聽五

曰思貌曰恭言曰從視曰明聽曰聰思曰睿恭作

管窺輯要 卷之六十六

肅從作又明作哲聰作謀睿作聖休徵曰肅時雨

若又時暘若晝時與若謀時寒若聖時風若咎徵

曰狂恒雨若僭恒暘若舒恒與若急恒寒若霜恒

風若

傳曰貌之不恭是謂不肅厥咎狂厥罰恒雨厥極

惡時則有服妖時則有龜孽時則有雞禍時則有

下體生上之疴時則有青眚青祥惟金沴本言之

不從是謂不又厥咎僭厥罰恒暘厥極憂時則有

詩妖時則有介蟲之孽時則有大禍時則有口舌

之疴時則有白眚白祥惟木沴金視之不明是謂
不哲厥咎舒厥罰恒與厥極疾時則有草妖時則
有羸蟲之孽時則有羊禍時則有目疴時則有赤
眚赤祥惟水沴火聽之不聰是謂不謀厥咎急厥
罰恒寒厥極貪時則有鼓妖時則有魚孽時則有
豕禍時則有耳疴則有黑眚黑祥惟火沴水思心
之不睿是謂不聖厥咎霜厥罰恒風厥極凶短折
時則有脂夜之妖時則有華孽時則有牛禍時則
有心腹之疴時則有黃眚黃祥時則有金木水火

管窺輯要

卷之六十六

二

沴土

說曰凡草物之類謂之妖妖猶夫胎言尚微蟲豸
之類謂之孽孽則牙孽矣及六畜謂之禍言其著
也及人謂之疴疴病貌言寢深也甚則異物生謂
之眚外來謂之祥祥猶禎也氣相傷謂之沴沴猶
臨泄不知意也每一事云時則以絕之信非必俱
至或有或亡或在前或在後也

歲于甲曰闕逢乙曰端蒙一作旃蒙○丙曰游兆

一作彘兆一作游桃○丁曰疆梧○戊曰徒維○

巳曰祝犁一作著雍○庚曰商橫一作上章○辛
曰昭陽一作重光○壬曰橫艾一作玄默○癸曰
尚章一作昭陽

歲支子曰困敦混沌也言萬物萌混沌於黃泉之
下也○丑曰赤奮若陽氣奮迅萬物而起無不若
其性○寅曰攝提格言起也萬物承陽而起○卯
曰單闕言陽氣推萬物而起○辰曰執徐伏蟄之
物皆敷舒而出故云○巳曰大荒落一作芒言萬
物皆熾盛而大出霍然落之○午曰敦牂言萬物
管窺輯要 卷之六十一 三

壯盛○未曰協洽一作叶洽言陰陽化生萬物和
合○申曰涿灘一作芮漢言萬物吐秀傾垂之貌
○酉曰作噩一作鄂言萬物皆落枝之貌○戌曰
淹茂一作闍言萬物皆蔽冒也○亥曰大淵獻獻
萬物於天深蓋藏也

蒼帝行德天門爲之開蒼帝東方靈威仰之帝行
春令

赤帝行德天牢爲之空赤帝南方赤炁怒之帝行
夏令

黃帝行德天矢爲之起黃帝中央含樞紐之帝行季夏令

白帝行德畢昂爲之圍圍三幕德乃成不三幕及圍不合德不成白帝西方白招炬之帝行秋令黑帝行德天關爲之動黑帝北方協光紀之帝行冬令動開閉也

天行其德天子更立乎天北極紫微宮也不德風雨破石三能三衡者天廷也客星出天廷有奇令三能卽三台也

管窺輯要

卷之六十六

四

春秋桓公十三年楚屈瑕伐羅闞伯比送之還謂其馭曰莫囂官民卽屈瑕也必敗舉止高心不固矣遽見楚子以告楚子使賴人追之弗及莫囂行遂無次且不設備及羅羅人軍之大敗遂至縊死春秋釐公十一年周使內史過賜普惠公命受玉墮過歸告王曰晉侯其無後乎王賜之命而墮於受瑞先自棄也已其何繼之有禮國之幹也敬禮之輿也不敬則禮不行禮不行則上下昏何以長世二十一年惠公卒子懷公立晉人殺之更立文

公

春秋成公十六年公會諸侯于周單襄公見晉厲公視遠步高告公曰晉將有亂魯侯曰敢問天道也抑人故也對曰吾非瞽史焉知天道吾見晉君之容殆必有禍者也夫君子日以定體足以從之是以觀其容而知其心矣日以處誼足以步目晉侯視遠而足高目不在體而足不步目其心必異矣目體不相從何以能久後二年晉人殺厲公此貌不恭之咎也

管窺輯要

卷之六十六

五

春秋襄公三十一年正月魯穆叔會晉歸告孟之伯曰趙孟將死矣其語偷不似民主且年未盈五十而諄諄然如八九十者弗能久矣若趙孟死爲政者其韓子乎吾子盍與季孫言之可以樹善君子也孝伯曰民生幾何誰能無偷朝不及夕將焉用樹穆叔告人曰孟孫將死矣吾語諸趙孟之偷也而又甚焉九月孟孝伯卒昭公元年冬趙孟卒此所謂言之不從也

春秋襄公三十一年公夢季武子將立公子裯是

爲昭公穆叔曰是人也居喪而不哀在感而有嘉容是爲不度不度之人鮮不爲患若果立必爲季氏憂武子弗聽卒立之後昭公聽讒攻季氏兵敗出奔死於外

春秋襄公二十三年穀洛水鬪將毀王宮周靈王將壅之有司諫曰不可長民者不崇敷不墮山不防川不竇賊今吾執政毋乃有所辟而滑夫二川之神使至於爭明以防王宮室王而飾之毋乃不可乎懼及子孫王室愈卑王卒壅之後數年有黑

管窺輯要

卷之六十六

六

如日者五靈王崩

春秋襄公三十一年絳縣老人曰臣生之歲正月甲子朔四百四十有五甲子矣其年於今三之一也師曠曰郟成子會於承匡之歲也七十二年矣史趙曰亥有二首六身下而二如身則其目數也士文伯曰三萬六千六百有六句也

春秋昭公二十一年春周景王將鑄無射鍾於州鳩曰王其以心疾死乎夫天子以省風作樂大者不窕小者不褫褫則不容心是以感感實生疾今

鍾撫矣王心弗或其能久乎明年王以心疾崩此思不瘠之應也

春秋定公十五年邾隱公朝於魯執玉高其容仰公受玉卑其容俯子贛觀焉曰以禮觀之二君者皆有死亡焉夫禮死生存亡之體也將左右周旋進退俯仰於是厚取之朝死喪戎於是乎觀之今正月相朝而皆不度心已亡矣嘉事不體何以能久高仰驕也卑俯替也驕近亂替近疾君爲主其先亡乎是年五月定公薨哀公七年秋伐邾以邾

管窺輯要

卷之六十六

七

子益來也

史記魯哀公十六年孔丘卒公誅之曰昊天不弔不愆遺一老俾屏子一人子贛曰君其不沒於魯乎夫子之言曰禮失則昏名失則愆失志爲昏失所爲愆生弗能用死而誅之非禮也稱子一人非名也君兩失之二十七年公孫於邾遂死於越○春秋終於哀公之十四年後皆稱史記

史記秦繆公病卧五日不寤寤乃言夢見上帝上帝命繆公平晉亂史書而記藏之府而後世皆曰

秦繆公上天

漢高帝立爲漢王東擊項籍而還入關問故秦時
工帝祠何帝也對曰四帝有白赤青黃帝之祠高
祖曰吾聞天有五帝而有四何也莫知其說於是
高祖曰吾知之矣乃待我而具五也乃立黑帝祠
命曰北時漢高后三年夏漢中南郡大水水出流
四千家

高后四年秋河南大水伊洛流千六百餘家汝水
流入百餘家

管窺輯要

卷之六十六

八

高后八年夏漢中南郡水復出流六千餘家南陽
沔水流萬餘家是時女主獨治諸呂相王

漢文帝時趙人新垣平言上曰闕下有寶玉氣來
者已視之果有獻玉杯者刻曰人主延壽平又言
臣侯日再中居頃之日卻復中於是改元令天下
大酺後以詐誅

文帝時河決於瓠子乃使使汲人郭昌發卒數萬
人塞瓠子決自臨決河沈白馬玉璧於河令羣臣
從官自將軍已下皆負薪真決河天子悼功不成

乃作歌曰瓠子決兮將奈何
皓皓野野兮閭碑爲河兮地不得寧功無已時兮吾山平吾山平兮鉅野溢魚沸鬱兮拍冬日延道弛兮離常流蛟龍騁兮方遠遊歸舊川兮神哉沛不封禪兮安知外爲我謂河伯兮何不仁泛濫不止兮愁吾人齧桑浮兮淮泗滿久不反兮水維緩又曰河湯湯兮激滌溪北渡廻兮浚離難舉長菱兮沉美玉河伯許兮薪不屬薪不屬兮衛人罪燒蕭條兮噫乎何以禦水頽林竹兮隄石菑

時用淇園之竹以爲隄也

宣房塞兮萬福

管窺輯要

卷之六一六

來於是卒塞瓠子築宮其上名曰宣房宮

漢武帝元鼎四年夏六月中汾陰巫錦爲民祠魏
雁后土營旁見地如鉤狀指視得鼎鼎大異於衆
鼎文鏤無欵識恠之言史史告河東太守勝勝以
聞天子使使驗問巫錦得鼎無好詐乃以禮祠迎
鼎至其泉從行上薦之至中山晏溫有黃雲蓋焉
有庶過上自射之因以祭云至長安公卿大夫皆
議請尊寶鼎制曰可

漢宣帝甘露元年夏新豐建章未央宮鍾虡皆生

毛長一寸所時以爲美祥

漢光武初爲大司馬在薊王郎移檄購光武光武南馳至下曲陽滹沱河候吏還白河水流漸無船不可濟官屬大懼光武令王霸往視之霸恐驚眾欲目前阻水還即詭曰水堅可渡官屬皆喜光武笑曰候果妄語也遂前北至河河水乃合亦令霸護度未畢數騎而水解光武謂官屬曰王霸權以濟事始天爲之瑞也

漢光武建武元年赤眉賊率樊崇逢安等共立盆

管籥輯要

卷之六十六

十

盆子爲天子然崇等視之如小兒百事自由初不恤錄也後正旦至君臣欲共饗既坐酒食未下羣臣更起亂不可整時大司農楊音按劍怒曰小兒戲尚不如此其後遂破壞崇安等皆誅死惟音爲關內侯以壽終所謂貌之不恭是謂不肅厥咎狂厥罰恒雨厥極惡者也

漢光武中元元年六月京師醴泉湧出飲之者痼疾皆愈惟渺蹇者不瘳

漢安帝永初六年河東池水變色皆赤如血占曰

好任殘賊殺戮不辜延及親戚

漢桓帝延熹九年三月洛陽城中人夜無故呼
有光火轉行人相驚譟

漢靈帝光和六年秋金城河水溢五原山岸崩始
置圍園署以宦者爲令東海東萊琅邪井水厚尺
餘有一年

漢公孫度中平初爲遼東太守時襄平社生大石
丈餘下有三小石爲足或謂度曰此漢宣帝冠石
祥也當有土地度以爲已瑞自立爲遼東侯平州
管窺輯要

卷之六十六

十一

牧後曹操表封永寧鄉侯遂據遼土

三國魏明帝青龍中盛修宮室西取長安金狄承
露盤折聲聞數千里金狄泣於是因留霸城

魏尚書鄧颺行步弛縱筋不束體坐起傾倚若無
手足此貌之不肅管輅謂之鬼躁卒誅

魏公孫文懿時襄平北市生肉長圍各數尺有頭
日口喙無手足而動搖此赤祥也占曰有形不成
有體無聲其國滅亡文懿尋爲魏所誅

三國吳孫亮五鳳二年五月陽羨縣離里山大石

自立京房易傳曰廢土爲天子之祥也後孫休見
吳孫皓建元陽元年三月大火燒萬餘家死者七
百人

吳時歷陽縣有巖穿似印咸云石印封發天下太
平孫皓元璽元年印發後卒面縛而吳亡其國
晉武帝咸寧二年閏月荊州羣國五大水流四千
餘家去年采擇良家子女露面入殿帝親簡閱有
蔽匿者以不敬論縉紳愁怨天下非之陰盛之應
管窺輯要 卷之六十六 十一

武帝大康五年四月魯國池水變赤如血
太康十年洛陽宮西宜秋里石生地中始高三尺
如若連理其後徐馥作亂

清河王覃爲世子時所佩金鈴忽生起如粟者康
王母疑不祥毀棄之及後爲惠帝太子爲司馬越
所殺

晉惠帝元康三年閏二月殿前六鐘皆出滌五刻
止前年賈后殺楊太后於金墉城而賈后爲惡不

止故鍾出涕猶言傷之也

元康五年閏月庚寅武庫火張華疑有亂先命固守然後救火是以累代異寶王莽頭孔子辰漢高祖斬白蛇劍及二百八萬器械一時蕩盡

元康中貴游子弟相與爲散髮裸身之飲對弄婢妾遊之者傷好非之者負訛希世之士耻不與焉蓋貌之不恭其後遂有二胡之亂

元康六年三月彭城呂縣有血流東西百餘步

元康八年五月金墉城井溢趙王倫篡位廢帝於

管窺輯要

卷之六十六

三

此城

惠帝永康元年帝納皇后羊氏后將入宮衣中忽有火衆咸恠之後數次被廢此火孽也

惠帝永興元年成都王穎伐長沙每夜戈戟鋒有火光如懸燭此輕人民好攻戰金失其性而爲先變也成都弗悟終以敗亡

晉司馬道子於府園內列肆使姬人酷習身自貿易子寶以爲貴人失位降在皂隸之象俄而道子

見廢

晉懷帝永嘉元年項縣有魏預州刺史賈逵石碑
生金可採五月汲桑作亂羣寇颺起

晉愍帝建興四年十二月景寅丞相府斬督軍令
吏淳于伯血逆流上柱二丈三尺此赤祥也

晉元帝永昌元年苻卓將襲王敦旣而中止及還
家多變惟照鏡不見其頭尋爲敦所襲遂夷滅

晉明帝太寧元年周筵自歸王敦旣立其宅守所
五間六梁一時躍出墜地餘桁猶亘柱頭此金診
米也明年錢鳳謀亂遂族滅筵而姑熟尋亦爲墟

管窺輯要

卷之六十六

古

矣

晉成帝咸和元年祖約鎮譙日府內地忽赤如血
戴洋曰按河圖徵曰地赤如丹血九之當卜有犯
上者恐十月二十七日胡馬當來飲淮水至時石
勒果來攻城

晉成帝咸康二年庾亮鎮武昌城東家夜半望見
城內數炬火從城上出如大車狀白布幔覆與火
俱向東北行至江乃滅戴洋聞而歎曰喪必東行
不過數年必應

晉穆帝升平二年二月涼州城東池中有火四年
四月姑臧澤水中又有火此火氾水之妖也
升平五年南掖門馬足陷地得一鐘有四大字
晉海西公太和中會稽山陰縣起倉鑿地得兩大
船滿中錢錢皆輪文大行時日向暮鑿者馳以告
官官夜遣防守甚嚴至明且失錢所在惟有船存
視其狀悉有錢處

晉安帝義熙初東陽太守殷仲文照鏡不見其頭
尋被誅

管窺輯要

卷之六十六

十五

義熙四年冬南燕汝水竭河凍皆合而澠水不冰
燕王慕容超惡之問於李宣宣對曰澠水無冰良
繇逼帶京城近日月也超大悅是年南燕亡
南文帝元嘉二十五年冬青州城南遠望見地中
如水有影謂之地鏡

南齊武帝永明六年秋七月齊興太守劉元寶於
郡城墜得錢三十七萬皆輪厚徑一寸半獻上以
爲瑞頒賜公卿

永明中始興王鑑於益州園地得古冢無復棺槨

有石槲銅器十餘種併古形玉璧三枚珍寶甚多不可皆識金銀爲蠶蛇形者數斗又以硃砂爲阜水銀爲池左右咸勸取之鑑曰皇太子昔在雍有發冢者得玉鏡玉屏風玉匣之屬皆將還都吾意常不同乃遣功臣何侍爲之起墳諸寶物一不得犯

南齊廬陵王子卿子雲長隆昌元年爲司徒所居屋梁柱際血出溜於地旬日而見殺

南齊明帝永泰元年齊王劼太子寶卷卽位惡靈管窺輯要卷之六十六
在太極殿欲速葬徐孝嗣固爭得逾月每當哭輒云喉痛大中大夫羊闡入臨無髮俯仰憤脫寶卷輟哭大笑謂左右曰禿鶩啼來乎

六

南齊東昏侯永元二年秋八月後宮火時嬖倖之徒皆號爲鬼有趙鬼者能讀西京賦言於土曰柘梁旣災建章是營齊主乃大起芳樂等玉壽諸殿以麝塗壁刻畫裝飾窮極綺麗役者自夜達曉猶不副速百姓困盡號泣道路

永元三年七月梁武帝天監十五年秋淮水暴長

堰壞奔流於海殺十數萬人其聲若雷聞三百里
水中怪物隨流而下或人頭魚身或龍形馬首殊
類詭狀不可勝名原築堰材棺將軍祖暉坐下獄
說者謂刺史張豹子不修堰之過也是以有此

武帝中大同元年三月幸同泰寺講三慧經四月
解講是夕浮屠災帝曰此魔也更宜廣爲法事遂
起十二層浮屠將成值侯景亂乃止按同泰寺卽
梁主捨身處寺前有醜石四各高丈餘俗呼爲三
品石宋王安石詩草沒苔盡棄道周誤思三品竟
管窺輯要 卷之六十六 七

何酬國亡今日頑無耻自謂當年不與謀

南梁元帝承聖二年春正月己卯江夏宮門齧牡
飛

南梁河東王譽字重孫累遷湘州刺史爲王僧辨
所圍譽將敗引鏡照面不見其頭又見長人蓋屋
兩手據地噉其臍又見白狗大如驢從城出不知
所在譽甚惡之俄而城陷見殺

南梁庾子與事親極孝父域出守巴西病卒子與

奉喪還鄉秋水猶壯巴東有淫預石高出二十丈

許及秋至則纔如見焉次有瞿塘大灘行旅忌之
部伍至此石猶不見子輿撫心長叫其夜五更水
忽退滅安流南下及渡水復舊行人爲之語曰淫
預如僕本不通瞿塘水退爲庾公初發蜀有雙鳩
巢舟中及至又棲廬側每聞哭泣之聲必飛翔簷
宇悲鳴激切

管窺輯要

卷之六十六

六

宋文帝爲宜都王在藩一州自立俄而文帝篡統
後遇元凶之禍此州還歿梁太清末江楊之閣浦
復生一州羣公上疏稱慶明年簡文帝卽位承聖
末其州與大洋相通惟九十九云

南陳宣帝太建十四年七月自建業至荊州江水
色赤如血

南陳後主禎明二年四月鄂州南浦水黑如墨建
陽門第生黑白毛

禎明二年五月甲午東冶鑄鐵有物赤色大如數

升自天墜鏑所聲隆隆如雷其鐵飛出墻燒人家
禎明二年上於郭內大星佛寺起七層塔未畢火
從中起飛至石頭燒死者不勝其數

北魏李崇字繼長延長初爲楊州刺史時有泉水
湧於八公山頂壽春城中有魚從地湧出野鴨羣
飛入城與鵲爭巢五月大霖雨十有三日大水入
城屋宇皆沒崇與兵泊於城上水增未已乘船附
於女墻城不沒者二版而已州府勸崇棄城保北
山崇守死不去時州人斐綯等因乘大水謀欲爲
管窺輯要

卷之六十六

亂崇皆擊滅之

東魏孝靜帝武定二年十一月西河地陷有火出
北齊平鑿遷懷州刺史於州西故軹關道築城以
防西軍尋而魏將楊標來攻城水乏南門內有大
井隨汲卽竭鑿具衣冠俯井祝至旦而井泉湧溢
有異於常合城取足竟敗魏軍

北周宣帝大象元年六月咸陽有池水文爲血

隋煬帝大業七年夏四月山東河大水漂沒三十

餘郡十月底柱崩傾河逆流數十餘里

大業十四年夏二月大業殿西院火帝以爲盜起
驚走匿草間火定乃還帝自八年以後每夜眠中
恒驚悸云有賊令數婦人搖撫始得眠

煬帝自大業十三年至江都荒淫益甚酒卮不離
口然見天下危亂亦不自安退朝則幅巾短衣遍
歷臺閣汲汲顧景惟恐不足又常仰祝天文謂蕭
后曰外間大有人圖儂然且共樂飲耳因引滿沉
醉又引鏡自照曰好頭頸誰當砍之后驚問故帝
笑曰貴賤苦樂更迭爲之亦復何傷此所謂言之
管窺輯要

卷之六十六

三

不從也
唐高祖武德七年河間王孝恭征輔公祐宴師於
舟中孝恭以金盃酌江水將飲之則化爲血孝恭
曰盃中之血公祐授首之祥

唐太宗貞觀十三年三月壬寅雲陽石燃方丈晝
則如灰夜則有光投草木則焚歷年乃止火失其
性而殄金也

唐高宗永隆元年八月河水在南北大壞民居十

唐則天垂拱九年九月淮南地生毛或白或蒼長者尺餘遍居人床下揚州尤甚大如馬鬣焚之臭如燎毛占曰兵起民不安

垂拱三年七月魏州地出鐵如船數十丈廣州雨金位正秋爲刑爲兵占曰人君多殺無辜二年兵災於朝

則天長壽中東都天宮寺泥像皆流汗出露霖則天時來俊臣家井水變赤如血井中夜有吁嗟嘆惋聲俊臣以木棧之木忽自投十步外

管窺輯要

卷之六十六

三

唐中宗神龍二年二月壬子洛陽城東七里地色如水樹木車馬歷歷見影漸移至都月餘乃滅長安街中往往見水影昔符堅之將死也長安常有是祥

神龍中東都白馬寺鐵象頭無故自落於殿門外中宗時中郎將東夷人毛婆羅炊飯一夕化爲血唐玄宗開元八年六月庚寅夜穀洛溢入西上陽宮內人死者十七八畿內諸縣田稼廬舍蕩盡掌閭衛兵溺死千餘人京師興道坊一夕陷爲池居

民五百餘家皆沒不見其年鄧州三鴉口大水壘
谷或見二小兒以水相沃須臾一蛇大十圍張口
仰天人或砍射之俄而暴雷漂溺數千家

玄宗天寶五年四月宰臣李適之常列鼎具膳羞
中夜鼎躍出相闖不解鼎耳及足皆折

天寶六年少陵原楊慎矜父墓封域內草木皆流
血令浮屠史敬忠禳之敬忠使慎矜退朝裸而桎
楛於叢棘間如是數旬流血不止尋爲李林甫王
鉞作飛牒誣告謀反戮藉

管窺輯要

卷之六十六

三

浮屠泓嘗爲燕國公張說市宅戒曰無穿東北王
隅也它日見說曰宅氣索然云何與說共視隅有
三坎丈餘泓驚曰公富貴一世而已諸子將不終
說懼將平之泓曰客土無氣與地脉不連譬身瘡
瘡補宅肉無益也說子皆汗卒死斥云

天寶十二年李林甫第東北隅每夜火光起或有
如小兒持火出入者近赤祥也

唐肅宗至德二年昭陵石馬汗出昔周武帝克晉
州齊有石像流汗濕地此其類也

肅宗乾元二年七月乙亥晝渾天儀有液如汗下流

乾元二年七月嵐州合河關河三十里清如井水四日而變

肅宗寶應元年九月秦州至陝州二百餘里河清澄見底

唐代宗廣德元年十二月辛卯夜鄂州大風火發江中焚舟三千艘延及岸上民居二千餘家死者數千人

管窺輯要

卷之六十六

三

代宗大歷十三年二月大僕寺有泥像左背上有黑汗滴出以紙承之血也

大歷末深州東鹿縣中有水影長七八尺遙望見人馬往來如在水中及至前則不見水中

唐德宗建中四年五月滑州濮州河清十四年閏五月滑州河清

德宗貞元二十一年朗州熊武五溪水流闕占曰方伯力政厥異水闕

唐穆宗長慶中新都大道觀泥人在鬚數寸拔之

復生

唐文宗太和五年浙西觀察使王璠治潤州城墮
中得方石有刻文曰山有石石有玉玉有環環卽
休

唐僖宗中和三年秋汴水入於淮水鬪壞船數艘
唐昭宗大順二年七月癸丑甲夜汴州相國寺佛
閣災是日暮微雨震電或見有赤塊轉閃譙藤網
中周而火作旣而大雨暴至平地水深數尺火益
甚延及民居三日不滅

管窺輯要

卷之六十六

十四

昭宗景福中滄州城塹中冰有文如畫大樹華葉
芬敷者時人以爲其地當中有兵

宋太祖建隆二年七月晉州神山縣北谷中有鐵
隨水流出方二丈三尺其重七千觔

太祖乾德五年十一月許州開元觀老君像自動
知州宋偓以聞

乾德六年正月簡州普通院毗盧佛像自

太祖開寶二年六月棣州有火自空墜於城北有

如龍

開寶七年六月棗州有火自空墜於城北門樓有物抱東柱龍形金色足三尺許其氣甚腥且視之壁上有烟痕爪跡三十六

宋太宗太平興國四年九月夾山縣民王誼得黑石二百丹文其一云君王萬歲其二云趙二十二帝緘其石來獻

太宗端拱元年二月澶濮二州河清二百餘里

太宗至道二年二月桂陽監鑄銀自湧成山峯狀

宋真宗咸平元年五月撫州王羲之墨池水色變

管窺輯要

卷之六十六

五

黑如雲

真宗景德元年二月保順軍城壕水陷起文爲桃

李花雜樹人物之狀

真宗大中祥符元年二月醴泉出蔡州汝陽鳳原

鄉有疾者飲之皆愈之八年十一月汶山下亦然

大中祥符五年八月東池水自成鹽僅半池潔自

成塊晶瑩異常汾陰經度制置使陳堯叟馳獻凡

四千七千斤分賜近臣及諸列戟

宋仁宗天聖元年三月涪陵縣相思寺夜有光出

阿育王塔之舊址發之得今銅像三百二十七
仁宗慶曆四年五月金谿縣得生金玉重三百二
十四兩

仁宗嘉祐七年三月彭城縣白鶴鄉地生麪五月
鍾離縣地生麪占曰民將飢

宋神宗元豐元年邕州佛像動搖初夏人入寇又
動而州大火其後儂智高叛復動於是知州錢師
孟投其像於江中

政和四年府幾汝蔡之間連山大小石皆變爲瑤
管窺輯要

卷之六十六

三

瑤尚方取爲寶帶器玩甚富

徽宗宣和元年九月掖庭大火自甲夜達曉大雨
如傾火益熾凡蕪五千餘間後苑廣聖宮及宮人
所居幾盡焚死者甚衆

徽宗宣和四年後御府所藏玉往往復變爲石而
色類白骨此與周寶圭占同

宋欽宗靖康元年十二月丙子夜尚書省火延燒
禮祠工刑吏部折尚書省牌擲火中禳之乃息

宋高宗建炎元年南京留守朱勝非夜防城見南

門外火光燭地掘之得銅印有文曰朱勝私印火
鑠金所畏也後拜相有明受之變作卒敗
建炎三年吉州修城役夫得髑髏棄水中俄浮
鐘有銘五十六字大略云唐興元年吾子歿埋廬
陵西壘後當火德五九之際世衰道敗浙梁相繼
喪亂章貢康昌之日吾亦復出是邦東卒塲工復
使吾子同河伯聽命水官郡守命錄其辭錄畢而
鐘自碎

建炎三年四月鼎州桃元洞大水巨石墮水而下

管窺輯要

卷之六十六

三

有文曰無爲大道天知人情無爲竊冥神見人形
心言意語鬼聞人聲犯禁滿盈地收人魂亦石恠
也

高宗紹興二年宣州有鐵佛像坐高丈餘自動迭
前迭卻若僵而就人者數日旣而郡有火火氣盛
金失其性而爲變恠也七月天雨錢或從石甃中
涌出有輪郭內外不分明穿之碎若沙土二月温
州戒福寺銅佛像頂珠自動光彩激射經日不少

信數日火作寺被

紹興二十六年耶縣地出銅馬高二尺制作精好
風雨夜嘶

紹興三十二年建昌軍新城縣有巨室篋中時有
火光燔衣帛過半而篋不焚近火葉也

宋孝宗淳熙八年夏五月辰嚴州大水漂流民居
萬九千五百餘家壘舍六百八十餘區紹興
府大水亦緣漂流民居八萬三千餘家田稼盡腐
淳熙九年春德興縣民家鏡自飛舞與日光相射
淳熙十三年行都民家有血自北中流汙人衣

管窺輯要

卷之六十六

天

宋寧宗慶元二年正月太寧縣耕夫得鏡厚三寸
徑尺有二寸照見水底與目爭耀病熱者對之心
骨生寒後爲雷震而碎

慶元二年十二月吳縣金鵝鄉銅錢百萬自飛
宋度宗咸淳九年江南平地產白毛臨安尤多

金術紹王大安元年徐沛界黃河清五百餘里幾
二年以其事詔中外臨沁人楊珪上書曰河性本
濁而今反清是水失其性也正猶天動地靜使嘗
動者靜當靜者動則知之何其爲災異明矣傳曰

黃河清聖人生假使聖人生恐不在今日又曰黃河清諸侯爲天子正當戒懼以消災變而復誇示四方臣所未喻宰相以爲妖言議誅之慮絕言路卽詔大興府鎖還本管

大安二年十一月京師民周脩武宅前渠內火出高二尺焚其板橋又旬日大悲閣幡竿石隙中火出高二三尺人近之卽滅凡十餘日自是都城連夜燔熱二三十處

金宣宗貞祐二年冬黃河自陝州界至衛州八柳

管窺輯要

卷之六十六

五

樹清十餘日織鱗皆見

金哀宗正大三年三月乙丑有火曰吏部中出大如斛流行展轉人皆驚避踰時而滅

正大七年十二月新衛州北三里許有影在沙上如舊衛州城狀塔寺宛然數日乃滅

元世祖至元十四年九月湖州長興縣金沙泉自

唐宋以來用以造茶其泉不常有忽漢然湧出漚田可數百頃有可以聞錫名瑞應泉

至元十五年十二月河水出自孟津東栢谷至汜

水縣蓼千谷上下八千餘里澄瑩見底數月殆如故

元成宗元貞元年閏四月蘭州上下三百餘里河清三日

成宗大德五年七月江水暴風大溢高四五尺連崇明通泰真州定江之地漂沒廬舍被災者三萬四千八百餘戶

元太定帝致和元年三月鹽官州海隄崩遣使禱祀造浮圖二百十六用西僧法厭之

管窺輯要

卷之六十六

三

元文宗至順元年閏七月平江嘉興湖州松江三路一州大水壞民田三萬六千六百餘頃被災者四十萬五千五百餘戶

至順二年十月吳江州太湖太湖水溢漂民居一千九百七十餘家

元順帝仍改至元五年五月汀州路長汀縣大水平地深三丈許損民居八百家壞民田二百頃溺死者八千餘人

順帝至正元年四月乙未杭州火燔官舍民居公

廟寺觀凡一萬五千七百餘間死者七十有四人
至正二十一年十一月河南孟縣至絳州垣曲縣
二百里河清七日新安縣亦如之十二月寧路
石州河水清至明年春冰泮始如故

至正二十三年正月乙卯夜廣西貴州火同知州
驛驛帖木不花判官高萬章及家人九口俱死焉
是氏死者三百餘人五十頭馬九匹公署倉庫柴
曠焚消皆盡

至正二十八年六月甲寅大都大聖壽萬安寺災
管窺輯要

卷之六十六

三七

是日未時雷雨中有火自空而下其殿齋東鰲魚
口火燄出佛身上亦火起帝聞之泣下亟命百官
救護惟世祖裕宗東西二影堂神主及寶玩器物
得免餘皆焚燬

揚子雲曰聲生於日律生於辰聲以情質律以和
聲聲律相協而入音生宮商角徵羽謂之五聲金
石匏革絲竹土水謂之八音聲和音諧是謂五樂
夫陰陽和則景至律氣應則灰除是故天子常以
冬夏至日御前殿合八能之士陳八者之聽樂均

度暑景候鐘律權土灰效陰陽冬至陽氣應則灰
除是故樂均情景長極黃鐘通土灰輕而衡仰夏
至陰氣應則樂均濁景短極蕤賓通土灰重而衡
低進退於先後五日之中八能各以候狀聞太史
令封上效則和否則占

元仰儀

仰儀之製以銅爲之形若釜置於甌臺內畫周天
度列十二辰位蓋俯視驗天者也其銘辭云不可
解形莫天大也無競維人仰釜載也六載爲深廣
管窺輯要

卷之六十六

三

自倍也兼深廣倍潔釜兌也環鑿爲治準以溉也
辨方正位日子卦也衡縮度中平斜再再也斜起
東南極平釜鐵也小大必周入地量也始周浸斷
浸極外也極入地深四十太也北九十一赤道斷
也列刻五十六時配也衡竿加卦巽坤內也以負
縮竿木午對也首旋璣板竅納芥也上下懸直與
鐵會也視日透光何度在也賜谷朝賚夕餞昧也
寒暑發歛驗進退也薄蝕起自鑿生生殺也以避
赫曦爭日害也南北之偏亦可槩也極淺十五林

邑界也黃道夏高人所載也夏永冬短猶少差也
深五十奇鐵勒塞也黃道浸平冬晝晦也夏則不
沒永短寂也安暉宣夏昕窮蓋也六天之數言殊
話也一儀一撥孰善悖也以指爲告毋煩喙也聞
資以明疑者沛也智者是之膠者恠也古今巧曆
不億輩也非讓不爲思不逮也將窺大朕造化愛
也其有俊明昭聖代也太山礪乎河如帶也黃金
不磨悠久賴也鬼神禁勿銘壞也

元大明殿燈漏

管窺輯要

卷之六十六

三

燈漏之制高丈有七尺架以金爲之其曲梁之上
中設雲珠左日右月雲珠之下復懸一珠梁之兩
端飾以龍首張吻轉目可以審平水之緩急中梁
之上有戲珠龍二隨珠俛仰又可察準水之均調
凡此皆非徒設也燈毬什以金寶爲之內外四層
上環布四神旋當日月星辰之所在左轉日一週
次爲龍虎烏龜之象各居其方依刻跳躍鏡鳴以
應於內又次週分百刻上列十二神各執時牌至
其時四門通報又一人當門內當以手指其刻數

下四隅鐘鼓鈺饒各一人一刻鳴鐘二刻鼓三鈺
四饒初正如是其機發隱於櫃中以水激之

窺輯要卷之六十六終

窺輯要

卷之六十六

三

